

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/119, 03.12.2020թ.

Բողոք բերող անձ՝ «Սուարդի» ԲԸ

Պատվիրատու՝ Հայաստանի տարածքային զարգացման հիմնադրամ

Գնման ընթացակարգի ծածկագիրը՝ «TUR-12»

Գնման առարկան՝ Երևան-Լանջազատ-Գառնի տանող ճանապարհի վերականգնում աշխատանքների ձեռքբերում

Բողոքի պահանջը՝ Պարտավորեցնել Հայաստանի տարածքային զարգացման հիմնադրամին /մրցույթի գնահատող հանձնաժողովին/ ընդունել որոշում՝ չկայացած հայտարարելու 06.07.2020 թվականին հայտարարված հրավերով գնման ընթացակարգը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ Գնումների հետ կապված բողոքներ քննող անձին

Բողոքաբեր՝ «ՍՈՒԱՐԴԻ» բաժնետիրական
ընկերություն
Հասցե՝ Իտալիա, Պրեդորե, Սարնիկո 66, 24060 ՀՎՀՀ
04725368
Տնօրենների խորհրդի նախագահ՝
Դոնատելլա Սուարդի

Ներկայացուցիչ՝ փաստաբան Վահագն
Գասպարյանից
Հասցե՝ ք. Երևան, Նոր Նորք, Բակունցի 3, բն. 52
Email vahagn.lawyer@gamil.com
005311683, տրված՝ 27.08.2014թ. 001-ի կողմից

Արտոնագիր՝ 1775, հեռ. 096 24-44-41

Պատվիրատու՝ Հայաստանի տարածքային
զարգացման հիմնադրամ
Հասցե՝ ք. Երևան, Հանրապետության հրապարակ,
կառավարական տուն 3, 4-րդ հարկ

Գնման ընթացակարգի առարկան և ծածկագիրը՝
Երևան-Լանջազատ-Գառնի տանող ճանապարհի
վերականգնում
TUR-12

03.12.2020թ.

ԲՈՂՈՔ

TUR-12 ծածկագրով մրցույթի շրջանակներում համապատասխան որոշում
ընդունել պարտավորեցնելու պահանջի մասին

I. Բողոքի նախապատմությունը և փաստերը

- 06.07.2020 թվականին Հայաստանի տարածքային զարգացման հիմնադրամի /այսուհետ նաև՝ Հիմնադրամ/ կողմից www.gnumner.am կայքում թիվ TUR-12 ծածկագրով հրապարակվել է հրավեր՝ Երևան-Լանջազատ-Գառնի տանող ճանապարհի վերականգնման աշխատանքների կատարման համար:
- 10.08.2020 թվականին հրապարակված հրավերին համապատասխան «ՍՈՒԱՐԴԻ» ԲԸ-ն /այսուհետ նաև Բողոքաբեր/ ներկայացրել է հայտ:
- Համաձայն հրավերի ներկայացվող աշխատանքի արժեքը չպետք է պակաս լինի 1,232,250,000 ՀՀ դրամից, կամ մեկ պայմանագիրը՝ առնվազն 2,464,500,000 ՀՀ դրամ:
- Հայտերի վերաբերյալ, այդ թվում՝ հայտերի բացվելու, 1-ին տեղ զբաղեցրած մասնակից հայտարարվելու, ընտրված մասնակից հայտարարվելու վերաբերյալ որևէ հրապարակում կայքում առկա չէ:

5. 30.11.2020 թվականին գրություն է ուղարկվել Հիմնադրամին՝ որոշումները տրամադրելու կամ կայքում հրապարակելու վերաբերյալ, սակայն պատասխան չի ստացվել:

II. Բողոքի իրավական հիմքերը և հիմնավորումները

Գտնում եմ, որ բողոքը հիմնավոր է և ենթակա է բավարարման հետևյալ պատճառաբանությամբ.

«Գնումների մասին» ՀՀ օրենքի 3-րդ հոդվածի 1-ին և 2-րդ կետի համաձայն.

«1. Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում,

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խթանում,

3) ցանկացած անձի համար՝ անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն»:

Նշված նորմերից հետևում է, որ գնում կատարելու նպատակով մրցույթ հայտարարելու դեպքում այն պետք է իրականացվի այնպես, որ պահպանվեն մրցակցային ոչ խտրական հիմունքներով մրցույթի անցկացման պայմանները և ապահովվեն թափանցիկությունը, արդյունավետությունը:

«Գնումների մասին» ՀՀ օրենքի 34-րդ հոդվածի 1-ին կետի համաձայն.

«1. Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

2. Առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին ընտրելու մեթոդով, որի առաջարկած գնին և ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատելիս հրավերով սահմանված դեպքերում և կարգով, առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պայմանագրի առարկայի հետ, և դրանց հարաբերական կշիռները ներկայացվեն հրավերի մեջ:

9. Հայտերի գնահատման նիստի ավարտին հաջորդող առաջին աշխատանքային օրը նիստի արձանագրությունը հրապարակվում է տեղեկագրում: ...»:

«Գնումների մասին» ՀՀ օրենքի 2-րդ հոդվածի 14-րդ կետի համաձայն՝

14) տեղեկագիր՝ սույն օրենքով նախատեսված հրատարակման ենթակա տեղեկատվության հրապարակման նպատակով www.procurement.am հասցեով գործող ինտերնետային կայք:

«Գնումների մասին» ՀՀ օրենքի 10-րդ հոդվածի 1-ին կետի համաձայն՝ «Մինչև պայմանագիր կնքելը պատվիրատուն տեղեկագրում հրապարակում է հայտարարություն պայմանագիր կնքելու որոշման մասին ոչ ուշ, քան ընտրված մասնակցի մասին որոշման ընդունմանը հաջորդող առաջին աշխատանքային օրը: Պետական գաղտնիք պարունակող գնումների կատարման դեպքում սույն մասով նախատեսված հայտարարությունն ուղարկվում է հայտեր ներկայացրած բոլոր մասնակիցներին՝ ընտրված մասնակցի մասին որոշման ընդունմանը հաջորդող առաջին աշխատանքային օրը»:

Տվյալ դեպքում վերը նշված նորմերով սահմանված է, որ հայտերի բացումից հետո հանձնաժողովը /Պատվիրատուն/ գնահատում է հայտերը՝ սկսելով առաջին տեղ ընտրված մասնակցի ընտրությունից: Հայտերը գնահատվում են բավարար, եթե համապատասխանում է հրավերին: Սույն գործով Բողոքաբերը հրավերին համապատասխան ներկայացրել է հայտ, սակայն այլ տեղեկատվություն չի հրապարակվել: Ընտրված մասնակցի ճանաչվելու դեպքում պետք է անգործության ժամկետ սահմանվի՝ ապահովելով նաև բողոքարկման պայմանները:

Հայտերի բացվելու, 1-ին տեղ զբաղեցրած մասնակից հայտարարվելու, ընտրված մասնակից հայտարարվելու վերաբերյալ որևէ հրապարակում կայքում առկա չէ: Անգործության ժամկետի հաշվարկման բացակայության պայմաններում էլ ցանկացած ենթադրյալ պայմանագիրն առոչինչ է և չի կարող որևէ իրավաբանական հետևանքներ առաջացնել:

Պահանջը՝

Խնդրում ենք

Պարտավորեցնել Հայաստանի տարածքային զարգացման հիմնադրամին /մրցույթի հանձնաժողովին/ ընդունել որոշում՝ չկայացած հայտարարելու 06.07.2020 թվականին հայտարարված հրավերով գնման ընթացակարգը:

Կից ներկայացվում է՝

1. Պետական տուրքի անդորրագիրը,
2. Վկայականի, տնօրենի անձնագրի պատճեն
3. Լիազորագիրը, արտոնագրի պատճեն
4. Հայտի պատճեն
5. 30.11.2020 թվականին գրության պատճեն

Հարգանքով՝

Ներկայացուցիչ՝

Վ. Գառնալյան